

**ՄՈՍԿՎԱՅԻ Մ.ԼՈՄՈՆՈՍՈՎԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆԻ
ՄԱՍՆԱՃՅՈՒՂԻՆ ԿԻՑ Ա.ԵՐԻՑՅԱՆԻ ԱՆՎԱՆ ԿԱՐԺԱՐԱՆ**

ԸՆԴՈՒՆԵԼՈՒԹՅԱՆ ԹԵՍՏԻ ՆՄՈՒՇՕՐԻՆԱԿ

ՀԱՅՈՑ ԼԵՉՈՒ (X-XII դասարան)

ՀԱՐԳԵԼԻ՝ ԴԻՄՈՐԴ

Ընդունելության թեստը բաղկացած է 3 մասից:

/ մասը գնահատվում է 10 միավոր, ընդգրկված է 5 հարց, յուրաքանչյուրը գնահատվում է 2 միավոր:

// մասը գնահատվում է 30 միավոր: Տրված բնագրի հիման վրա անհրաժեշտ է կատարել 15 առաջադրանք, յուրաքանչյուրը գնահատվում է 2 միավոր:

/// մասում առաջարկվում է փոխակերպել տրված նախադասությունները և կազմել գծապատկեր: Առաջադրանքը գնահատվում է 10 միավոր. յուրաքանչյուր առաջադրանքը գնահատվում է 2 միավոր: Փոխակերպումներում թույլ տրված ուղղագրական կամ կետադրական յուրաքանչյուր սխալի համար հանվում է 0.1 միավոր, գծապատկերը կազմելիս նախադասությունը չհամարակալելու համար՝ 0.5 միավոր:

Խնդրում ենք ուշադիր կարդալ առաջադրանքները, գրել հստակ, առանց ջնջումների:

Առաջադրանքները կատարելու համար հատկացվում է 120 րոպե:

ՄԱՍ I

ԱՌԱՋԱՐԱՆՔ 1. Ըստ անհրաժեշտության լրացնել բաց թողած տառերը.

Ակադեմ__ա, ան__թևան, ձվա__եղ, որ__ատունկ, վար__բեկել, աղ__ան, խոչ__նդոտ, օր__րոց, սերկ__իլ, երբև__:

ԱՌԱՋԱՐԱՆՔ 2. Վերականգնել տրված բառերի հնչյունափոխված արմատների անհնչյունափոխ տարբերակները.

Ընծուղտ _____

Ուղղագրություն _____

Թխամաշկ _____

Հոգեվիճակ _____

Արևաներկ _____

Քննախույզ _____

Պտտվել _____

Ձգել _____

Փտել _____

Ստուգայց _____

ԱՌԱՋԱՐԱՆՔ 3. Տրված բառերն ըստ անհրաժեշտության գրել միասին, անջատ կամ գծիկով.

Ընդ (ամենը), առ (այն), գլուխ (գործոց), ի (պատիվ), ըստ (որում), խառնի (ճաղանջ), գլուխ (գլխի), գեներալ (մայոր), ծայրից (ծայր), արևմուտքից (արևելք).

ԱՌԱՋԱՐԱՆՔ 4. Ընդգծել այն բաղադրյալ հատուկ անունները, որոնց միայն առաջին բաղադրիչն է գրվում մեծատառով.

ՇԻՐԱԶԻ ԴԱՇՏ, ԳԵՂԱՄԱ ԾՈՎԱԿ, ԿԱՐՄԻՐ ԾՈՎ, ՀԱՅԱՍՏԱՆԻ ՆԿԱՐԻՉՆԵՐԻ ՄԻՈՒԹՅՈՒՆ, ԱՆԿԱԽՈՒԹՅԱՆ ՕՐ, ՀԱՂԹԱՆԱԿԻ ՁԲՈՍԱՅԳԻ, ԷԶՄԻԱԾՆԻ ՄԱՏԵՆԱԴԱՐԱՆ, ՍԱԽԱՐՈՎԻ ՀՐԱՊԱՐԱԿ, ԿՈՄԻՏԱՍԻ ԱՆՎԱՆ ՁԲՈՍԱՅԳԻ, ԱՂՍՏԵՎԻ ԿԻՐՃ:

ԱՌԱՋԱՐԱՆՔ 5. Կետադրել.

Մի ուրույն աշխարհ է Սյունիքը: Թվում է երկիրն ստեղծելիս Աստված արարել է բոլոր գեղեցկությունները և ամենը հավաքվել է Հայաստանի այս շքեղ անկյունում քուլա-քուլա ամպեր ձյունապատ խրոխտ գագաթներին մերկ ժայռաբեկորներ կատարները միգապատ

բարձունքներում արև որ ոչ մի տեղ այնքան պայծառ չէ ինչպես այս յուրահատուկ ինքնատիպ աշխարհում:

ՄԱՍ II

Կարդալ բնագիրը և կատարել 6-20 առաջադրանքները.

(1) Կարծում եմ՝ աշխարհում եղել է երկու քրիստոնյա. մեկը ինքը՝ Քրիստոսը՝ հրեա, մյուսը՝ մայրս՝ հայ: (2) Մայրս միմիայն մի գիրք էր կարդում՝ Ավետարանը, և հավատարիմ նրա պատվիրաններին՝ անտերուկ աղքատներին էր օգնում, հորիցս գաղտնի բարերարություններ անում՝ սատար լինելով դժբախտներին, անօթևան որբերին, սովալլուկ ու կեղեքված մարդկանց: (3) Գիշեր-ցերեկ աղոթում էր՝ մագաղաթյա սրբապատկերները սեղմելով լուսե երեսին, խոնարհվում Աստծո զորության առջև՝ մինչև ուղևորվածը համակված հոգեկան անդորրությամբ: (4) Աղոթում էր հորս հոգու, երկվորյակ պանդուխտ եղբայրներիս, աշխարհի համար, և արցունքները գլորվում էին մարմարյա այտերով:

(5) Անփարատելի թախիժն է ողողում եությունս, երբ հիշում եմ այն աղեկեզ արտասուքները, որ կաթկթել են մորս աչքերից իմ պատճառով, և չի դադարում մրմռացնող ողբն իմ որբացած հոգում:

(6) Հրաշեկ արև էր մայրս՝ խարտյաշ, ոսկեվարս, ոսկեհնչյուն ելևեջներով:

(7) Խավարչտին գիշերն անեանում է, տարրալուծվում, և ես ըմպում եմ վարդերի բույրը, ինչպես մորս կաթը:

Ըստ Վ.Թորթվենցի

ԱՌԱՋԱԴՐԱՆՔ 6. 6-րդ նախադասությունից դուրս գրել 4 ածական.

ԱՌԱՋԱԴՐԱՆՔ 7. 3-րդ նախադասությունից դուրս գրել 2 անկախ դերբայ և որոշել տեսակը.

ԱՌԱՋԱԴՐԱՆՔ 8. Տեքստից դուրս գրել տրական հոլովով դրված 4 գոյական.

ԱՌԱՋԱԴՐԱՆՔ 9. 5-րդ նախադասությունից դուրս գրել 2 շաղկապ, 2 դերանուն.

ԱՌԱՋԱԴՐԱՆՔ 10. Որոշել 5-րդ նախադասության կաթկթել են բայի եղանակը, ժամանակաձևը, դեմքը, թիվը.

ԱՌԱՋԱԴՐԱՆՔ 11. 4-րդ նախադասությունից դուրս գրել 1 ենթակա և ստորոգյալ.

ԱՌԱՋԱԴՐԱՆՔ 12. 7-րդ նախադասությունից դուրս գրել 1 ուղիղ խնդիր, 1 որոշիչ.

ԱՌԱՋԱԴՐԱՆՔ 13. 2-րդ նախադասություններից դուրս գրել դերբայական դարձվածի 1 օրինակ և նշել, թե ինչ դիրքով է դրված.

ԱՌԱՋԱԴՐԱՆՔ 14. 2-րդ նախադասություններից դուրս գրել բացահայտչի և բացահայտյալի 1 օրինակ և նշել բացահայտչի տեսակը.

ԱՌԱՋԱԴՐԱՆՔ 15. Տեքստից դուրս գրել տեղի պարագայի 2 օրինակ.

ԱՌԱՋԱՐԱՆՔ 16. Նշել, թե 6-րդ և 7-րդ նախադասություններից ո՞ր նախադասությունն է բարդ.

ԱՌԱՋԱՐԱՆՔ 17. 6-րդ և 7-րդ նախադասություններից դուրս գրել բաղադրյալ ստորոգյալի 1 օրինակ.

ԱՌԱՋԱՐԱՆՔ 18. Անտերունչ բառի համար գրել 1 հականիշ.

ԱՌԱՋԱՐԱՆՔ 19. 6-րդ նախադասությունից դուրս գրել հետադաս որոշչի 1 օրինակ.

ԱՌԱՋԱՐԱՆՔ 20. Ըստ կազմության ինչպիսի՞ն է աղեկեց բառը.

ՄԱՍ III

ԱՌԱՋԱՐԱՆՔ 21. ՓՈԽԱԿԵՐՊԵԼ ՏՐՎԱԾ ՆԱԽԱԴԱՍՈՒԹՅՈՒՆՆԵՐԸ, ԿԱԶՄԵԼ ՏՐՎԱԾ ՆԱԽԱԴԱՍՈՒԹՅԱՆ (ԱՌԱՋԱՐԱՆՔ 21.5) ԳԾԱՊԱՏԿԵՐԸ:

ԱՌԱՋԱՐԱՆՔ 21.1 Բարդ նախադասությունը փոխակերպել պարզի.

ա) Այս գործն այսօր այնքան ժամանակավրեպ է, որ երիտասարդության շրջանում չունի գրեթե ոչ մի ընթերցող:

բ) Նա համառորեն խնդրեց Անդրանիկին և Մելիքյանին, որ գոնե մի բաժակ գինի խմեն:

ԱՌԱՋԱԴՐԱՆՔ 21.2 Պարզ նախադասությունը փոխակերպել բարդի.

ա) Վերադառնալով հայրենիք՝ հայոց արքան ձեռնամուխ է լինում ավերված տաճարի կառուցմանը:

բ) Այս թուղթը տանողները Քրիստոսին պատահեցին երուսաղեմում:

ԱՌԱՋԱԴՐԱՆՔ 21.3 Ուղղակի խոսքը փոխակերպել անուղղակիի.

ա) –Ես բարձանում եմ վեր,- ասաց փոքրիկ ծառը:

բ) –Ընդունում եմ քո ասածները,- պատասխանեցի ես:

ԱՌԱՋԱԴՐԱՆՔ 21.4 Անուղղակի խոսքը փոխակերպել ուղղակիի.

ա) Մեղուն ասաց, որ իր նախորդ կյանքում ինքը ծաղիկ է եղել:

բ) Վիրավորը խնդրեց զինվորին, որ նա ասի իրեն, թե որտեղ է ինքը:

ԱՌԱՋԱԴՐԱՆՔ 21.5 Կազմել տրված նախադասության գծապատկերը (համարակալել նախադասառությունները).

Ֆրանսիայի գեղատեսիլ այդ անկյունը հեռու է կենտրոնական ճանապարհներից, ապրում է մեկուսի, խաղաղ կյանքով, փռված է ճերմակաթուլյո մարգարտածաղիկներով ծածկված մարգագետինների վրա: